

- одговарајуће функционисање повезаности између тијела унутрашњег система координације процеса европских интеграција у Босни и Херцеговини, с једне, те дјеловања и заступања усаглашеног "једног гласа" у име Босне и Херцеговине у оквиру заједничких тијела Босне и Херцеговине и Европске уније, с друге стране.
- (3) У складу са рјешењима става (2) овог члана:
- а) чланови Сталне делегације Босне и Херцеговине у оквиру Савјета за стабилизацију и придруживање су именовани чланови Савјета министара Босне и Херцеговине;
 - б) чланови Сталне делегације Босне и Херцеговине у оквиру Одбора за стабилизацију и придруживање су стални чланови Комисије наведени у члану 7. став (1) ове одлуке, председавајући и замјеници председавајућег у сталним делегацијама Босне и Херцеговине у тијелима наведеним у ставу (1) тачка ц) и д) овог члана, те друга именована лица која утврђује Савјет министара Босне и Херцеговине засебном одлуком. Председавајући делегације Босне и Херцеговине у Одбору за стабилизацију и придруживање биће утврђен у складу са ставом (2) овог члана, а на основу усаглашеног приједлога чланова Одбора;
 - ц) чланови сталних делегација Босне и Херцеговине у оквиру пододборâ за стабилизацију и придруживање и других тијела која се успостављају у складу са Споразумом о стабилизацији и придруживању су председавајући и замјеници председавајућих радних група које се баве питањима обухваћеним радом секторски конципираних пододборâ, односно других тијела успостављених на основу Споразума о стабилизацији и придруживању.
- (4) Сва техничка питања везана за начин рада представника Босне и Херцеговине у заједничким тијелима Босне и Херцеговине и Европске уније из члана 11. став (1) ове одлуке регулисана су заједничким пословницима о раду заједничких тијела између Босне и Херцеговине и Европске уније.
- (5) Чланови сталних делегација Босне и Херцеговине у заједничким тијелима Босне и Херцеговине и Европске уније из члана 11. став (1) ове одлуке дужни су да на састанцима заједничких тијела заступају и презентују искључиво ставове и позиције дефинисане у оквиру тијела система координације процеса европских интеграција у Босни и Херцеговини.

ПОГЛАВЉЕ VII - ОСТВАРИВАЊЕ КОМУНИКАЦИЈЕ У ОБЛАСТИ ЕВРОПСКИХ ИНТЕГРАЦИЈА

Члан 12.

(Комуникација са институцијама Европске уније)

- (1) Дирекција за европске интеграције дјелује као стручно и техничко-оперативно тијело које остварује комуникацију са Европском комисијом и Делегацијом Европске уније у Босни и Херцеговини за потребе процеса европских интеграција. При реализацији ове комуникације, Дирекција за европске интеграције остварује блиску сарадњу и благовремено информисање координирајуће институције са нивоа ентитета, кантона и Брчко Дистрикта Босне и Херцеговине.

- (2) У комуникацији са Европском комисијом и другим институцијама Европске уније, те Делегацијом Европске уније у Босни и Херцеговини, искључиво садржај који је претходно усаглашен у оквиру система координације процеса европских интеграција у Босни и Херцеговини може бити представљен као јединствен став у име Босне и Херцеговине.

Члан 13.

(Комуникација између институција Босне и Херцеговине, ентитета, кантона и Брчко Дистрикта Босне и Херцеговине у процесу европских интеграција)

- (1) Комуникација између институција Босне и Херцеговине, ентитета, кантона и Брчко Дистрикта Босне и Херцеговине у области европских интеграција оствариваће се искључиво на начин дефинисан овом одлуком, уз потпуно уважавање принципа и рјешења која су у њој садржана.
- (2) Представници институција Босне и Херцеговине, ентитета, кантона и Брчко Дистрикта Босне и Херцеговине у тијелима система координације у области европских интеграција у Босни и Херцеговини, те посебно координирајуће институције у области европских интеграција на нивоу Босне и Херцеговине, ентитета, кантона и Брчко Дистрикта Босне и Херцеговине обавезни су да остварују интензивну и транспарентну комуникацију и сарадњу с циљем олакшавања благовременог и ефикасног испуњавања обавеза Босне и Херцеговине у процесу придруживања, односно приступања Европској унији.
- (3) Комуникација између институција Босне и Херцеговине, ентитета, кантона и Брчко Дистрикта Босне и Херцеговине обављаће се у складу са рјешењима из ове одлуке, те уз уважавање модалитета и принципа хоризонталне координације у оквиру сваког нивоа власти у Босни и Херцеговини, а који, у складу са чланом 2. став (3) ове одлуке, не представљају предмет њеног регулисања.

ПОГЛАВЉЕ VIII - ПРЕЛАЗНЕ И ЗАВРШНЕ ОДРЕДБЕ

Члан 14.

(Стављање прописа ван снаге)

Ступањем на снагу ове одлуке ставља се ван снаге Одлука о систему координације процеса европских интеграција у Босни и Херцеговини ("Службени гласник БиХ", број 8/16).

Члан 15.

(Ступање на снагу)

Ова одлука ступа на снагу даном доношења и објављује се у "Службеном гласнику БиХ".

СМ број 197/16
23. августа 2016. године
Сарајево

Председавајући
Савјета министара БиХ
Др Денис Звиздић, с. р.

Na osnovu člana 17., a u vezi s članom 23. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08) i članom 18. Zakona o ministarstvima i drugim organima uprave Bosne i Hercegovine ("Službeni glasnik BiH", br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13 i 19/16), Vijeće ministara Bosne i Hercegovine je na 69. sjednici, održanoj 23.8.2016. godine, donijelo

ODLUKU**O SISTEMU KOORDINACIJE PROCESA EVROPSKIH INTEGRACIJA U BOSNI I HERCEGOVINI****POGLAVLJE I. OPĆE ODREDBE**

Član 1.

(Predmet)

Odlukom o sistemu koordinacije procesa evropskih integracija u Bosni i Hercegovini (u daljnjem tekstu: Odluka) definiraju se: institucionalni i operativni sistem i način ostvarivanja koordinacije institucija u Bosni i Hercegovini na provođenju aktivnosti vezanih za proces integriranja Bosne i Hercegovine u Evropsku uniju, zajednička tijela u okviru sistema koordinacije, njihov sastav, te nadležnosti i međusobni odnosi.

Član 2.

(Koordinacija procesa evropskih integracija)

- (1) Koordinacija procesa evropskih integracija podrazumijeva aktivnosti koje se provode s ciljem osiguranja što većeg stepena usklađenosti i koherentnosti u radu institucija na svim nivoima vlasti u Bosni i Hercegovini vezanih za izvršenje ugovornih obaveza iz Sporazuma o stabilizaciji i pridruživanju između Evropskih zajednica i njihovih država članica i Bosne i Hercegovine ("Službeni glasnik BiH - Međunarodni ugovori", broj 10/08) (u daljnjem tekstu: Sporazum o stabilizaciji i pridruživanju), kao i drugih obaveza iz procesa evropskih integracija. Sistemom koordinacije uređuje se i način ostvarivanja komunikacije između institucija u Bosni i Hercegovini, s ciljem osiguranja i iznošenja usaglašenog stava u ime Bosne i Hercegovine u komunikaciji sa institucijama Evropske unije.
- (2) Koordinacija procesa evropskih integracija u Bosni i Hercegovini zasniva se na principima poštivanja postojeće unutrašnje pravne i političke strukture u Bosni i Hercegovini i zaštite ustavima definiranih nadležnosti svih nivoa vlasti i njihovih institucija u pojedinim oblastima obuhvaćenim procesom evropskih integracija, osiguranja vidljivosti, te odgovornosti svih nivoa vlasti za blagovremeno i djelotvorno ispunjavanje obaveza iz procesa evropskih integracija iz njihove nadležnosti.
- (3) Koordinacija procesa evropskih integracija u Bosni i Hercegovini ostvaruje se na horizontalnom (koordinacija unutar jednog nivoa organizacije vlasti) i vertikalnom nivou (koordinacija između različitih nivoa organizacije vlasti). U skladu sa stavom (2) ovog člana, strukture i modalitete ostvarenja horizontalne koordinacije svaki nivo vlasti uređuje samostalno, u skladu sa svojim ustavnim poretkom i upravno - pravnim specifičnostima, kapacitetima i potrebama, te oni nisu predmet ove odluke.
- (4) S ciljem djelotvornog provođenja vertikalne koordinacije procesa evropskih integracija u Bosni i Hercegovini, uspostavljaju se sljedeća zajednička tijela:
 - a) Kolegij za evropske integracije
 - b) ministarske konferencije
 - c) Komisija za evropske integracije
 - d) radne grupe za evropske integracije
- (5) S ciljem nadzora nad provođenjem Sporazuma o stabilizaciji i pridruživanju i osiguranjem funkcionalne povezanosti između tijela unutrašnjeg sistema koordinacije procesa evropskih integracija u Bosni i Hercegovini te djelovanja i zastupanja usaglašenog "jednog glasa" u ime Bosne i Hercegovine, u sastavu zajedničkih tijela između Bosne i Hercegovine i Evropske unije u ime Bosne i Hercegovine djeluju:
 - a) Stalna delegacija Bosne i Hercegovine u okviru Vijeća za stabilizaciju i pridruživanje;

- b) Stalna delegacija Bosne i Hercegovine u okviru Odbora za stabilizaciju i pridruživanje;
- c) Stalna delegacija Bosne i Hercegovine u okviru pododborā za stabilizaciju i pridruživanje;
- d) stalne delegacije Bosne i Hercegovine u okviru drugih zajedničkih tijela između Bosne i Hercegovine i Evropske unije koja se uspostavljaju u skladu sa Sporazumom o stabilizaciji i pridruživanju.

Član 3.

(Način odlučivanja)

- (1) Način odlučivanja u svim tijelima koja se uspostavljaju u skladu sa članom 2. stav (4) ove odluke je konsenzus. Institucije na svim nivoima vlasti u Bosni i Hercegovini obavezne su osigurati učešće svojih predstavnika na sjednicama tijela koja se uspostavljaju u skladu s članom 2. stav (4) ove odluke, pod uslovom da se pozivi za sjednice obavezno dostavljaju svim članovima tijela najkasnije pet radnih dana prije datuma održavanja sjednice.
- (2) Kvorum za održavanje sastanaka i usvajanje odluka u tijelima iz člana 2. stav (4) ove odluke obavezno čine ovlašteni: a) predstavnik Vijeća ministara Bosne i Hercegovine, b) predstavnik Vlade Republike Srpske, c) predstavnik Vlade Federacije Bosne i Hercegovine, d) predstavnici svih 10 vlada kantona, e) predstavnik Vlade Brčko Distrikta Bosne i Hercegovine, a u skladu sa ustavnim nadležnostima za materiju koja se razmatra na sjednici, odnosno koja je predmet odluke.
- (3) Sve odluke usvojene u različitim tijelima u sistemu koordinacije mogu biti preispitane pred višim tijelom u sistemu koordinacije u roku od 10 dana od njihovog donošenja, a od strane ovlaštenih predstavnika Vijeća ministara Bosne i Hercegovine, predstavnika Vlade Federacije Bosne i Hercegovine, predstavnika Vlade Republike Srpske, predstavnika svih 10 vlada kantona i predstavnika Vlade Brčko Distrikta Bosne i Hercegovine, a u skladu sa ustavnim nadležnostima za materiju koja se razmatra na sjednici, odnosno koja se preispituje.
- (4) U slučajevima kada neko od tijela u sistemu koordinacije ne usaglasi poziciju o određenom pitanju, isto će biti upućeno višem nivou u sistemu koordinacije zaključno s Kolegijem za evropske integracije, koji se sastaje i djeluje u skladu s članom 4. ove odluke.

POGLAVLJE II. KOLEGIJ ZA EVROPSKE INTEGRACIJE

Član 4.

(Kolegij za evropske integracije)

- (1) Kolegij za evropske integracije je najviše političko tijelo u sistemu koordinacije procesa evropskih integracija u Bosni i Hercegovini, koje osigurava usaglašenost stavova o ključnim, strateškim i političkim pitanjima u oblasti evropskih integracija te, u krajnjoj instanci, otklanja eventualne zastoje u ispunjavanju obaveza iz procesa integracije Bosne i Hercegovine u Evropsku uniju.
- (2) Kolegij za evropske integracije uspostavlja se na konstituirajućoj sjednici koju saziva predsjedavajući Kolegija za evropske integracije u dogovoru sa zamjenicima predsjedavajućeg Kolegija za evropske integracije, najkasnije u roku od 20 dana od dana stupanja na snagu ove odluke.
- (3) Članovi Kolegija za evropske integracije su:
 - a) predsjedavajući Vijeća ministara Bosne i Hercegovine
 - b) zamjenici predsjedavajućeg Vijeća ministara Bosne i Hercegovine
 - c) predsjednik Vlade Federacije Bosne i Hercegovine
 - d) dva člana Vlade Federacije Bosne i Hercegovine

- e) predsjednik Vlade Republike Srpske
 - f) dva člana Vlade Republike Srpske
 - g) gradonačelnik Brčko Distrikta Bosne i Hercegovine
 - h) predsjednici vladā kantona.
- (4) Predsjedavajući Vijeća ministara Bosne i Hercegovine, predsjednici vladā entiteta, kantona i gradonačelnik Brčko Distrikta Bosne i Hercegovine, u slučaju spriječenosti, mogu ovlastiti člana Vijeća ministara Bosne i Hercegovine, odnosno člana vladā entiteta, kantona i Brčko Distrikta Bosne i Hercegovine, da u punom kapacitetu i s punim pravima i obavezama učestvuje na sastanku Kolegija, izuzev prava predsjedavanja. U slučaju zastupanja, predsjedavajući Vijeća ministara Bosne i Hercegovine, predsjednici vladā entiteta, kantona i gradonačelnik Brčko Distrikta Bosne i Hercegovine dužni su o tome u pisanoj formi izvijestiti sve članove Kolegija za evropske integracije najkasnije 24 sata prije održavanja sjednice Kolegija za evropske integracije.
- (5) U skladu sa iskazanom potrebom i u zavisnosti od pitanja koja su predmet razmatranja Kolegija, njegovoj sjednici na usaglašen poziv predsjedavajućeg i zamjenika predsjedavajućeg Kolegija, mogu prisustvovati i drugi resorno nadležni ministri, odnosno rukovodioci institucija sa svih nivoa vlasti u Bosni i Hercegovini u svojstvu izvjestilaca prema tematskim oblastima, odnosno tačkama dnevnog reda i u skladu sa ustavnim nadležnostima za oblast koja se razmatra. Pozvani izvjestioci iz Vijeća ministara Bosne i Hercegovine, vladā entiteta, kantona i Brčko Distrikta Bosne i Hercegovine nemaju pravo glasa u Kolegiju.
- (6) Funkciju predsjedavajućeg Kolegija za evropske integracije obavlja predsjedavajući Vijeća ministara Bosne i Hercegovine, a funkciju njegovih zamjenika predsjednici vladā entiteta. Predsjedavajući Kolegija zakazuje sastanke uz prethodnu saglasnost njegovih zamjenika.
- (7) Sjednice Kolegija za evropske integracije saziva predsjedavajući Kolegija na vlastitu ili inicijativu bilo kojeg drugog člana Kolegija. U slučaju spriječenosti predsjedavajućeg, sjednicom Kolegija predsjedavajući njegovi zamjenici. Sjednice Kolegija za evropske integracije održavaju se najmanje dva puta godišnje, a po potrebi i češće. Poziv za sjednicu Kolegija obavezno se dostavlja svim članovima Kolegija najkasnije pet radnih dana prije dana održavanja sjednice.
- (8) Članovi Kolegija obavezni su da prezentiraju usaglašen stav u ime nivoa vlasti koji predstavljaju.
- (9) Kolegij će formirati Savjetodavno tijelo sastavljeno od savjetnika za evropske integracije čija je uloga da pruža političko - stručnu podršku radu Kolegija i ministarskim konferencijama, osigurava komunikaciju između političkog i tehničkog nivoa u sistemu koordinacije, te priprema prijedloge mogućih rješenja za otklanjanje zastoja koji eventualno nastanu u ispunjavanju obaveza Bosne i Hercegovine u oblasti evropskih integracija. Svaki član Kolegija imenovat će po jednog predstavnika u Savjetodavno tijelo. Način rada i sastav Savjetodavnog tijela bit će reguliran poslovnikom o radu Kolegija.
- (10) Funkciju sekretarijata, odnosno sekretara Kolegija obavlja Direkcija za evropske integracije.
- (11) Kolegij za evropske integracije donosi poslovnik o radu kojim se reguliraju sva tehnička pitanja vezana za način njegovog rada. Nacrtni poslovnik o radu Kolegija za evropske integracije izrađuje Direkcija za evropske integracije i dostavlja ga svim članovima Kolegija najkasnije u roku od 15 dana od dana stupanja na snagu ove odluke.

POGLAVLJE III. MINISTARSKE KONFERENCIJE

Član 5.

(Ministarske konferencije)

- (1) Ministarske konferencije su tijela u sistemu koordinacije procesa evropskih integracija u Bosni i Hercegovini čijim djelovanjem se osigurava sveobuhvatan i ujednačen pristup nadležnih institucija sa svih nivoa vlasti u pojedinim sektorskim oblastima obuhvaćenim procesom evropskih integracija.
- (2) Ministarske konferencije sastoje se od resorno nadležnih ministara iz Vijeća ministara Bosne i Hercegovine, vladā entiteta, vladā kantona i predstavnika Vlade Distrikta Brčko Bosne i Hercegovine, u skladu s njihovim ustavnim nadležnostima za materiju koja se razmatra ili za oblast za koju je ministarska konferencija formirana.
- (3) Ministarske konferencije doprinose prevladavanju eventualnih zastoja u ispunjavanju obaveza Bosne i Hercegovine u procesu evropskih integracija, te procesu programiranja pomoći Evropske unije, a koji nisu mogli biti riješeni u okviru tehničkih i operativnih tijela u sistemu koordinacije. S ciljem realizacije obaveza koje proističu iz Sporazuma o stabilizaciji i pridruživanju, ministarske konferencije definiraju zajedničke smjernice i platforme za djelovanje operativnih i tehničkih tijela u sistemu koordinacije u pojedinačnim sektorskim oblastima obuhvaćenim procesom pristupanja Evropskoj uniji.
- (4) Na svojoj prvoj sjednici Kolegij za evropske integracije pokreće inicijativu za uspostavljanjem sektorski koncipiranih ministarskih konferencija u skladu s poglavljima pravne tečevine Evropske unije, te u skladu sa ustavnim nadležnostima pojedinih nivoa vlasti za oblast za koju se ministarska konferencija uspostavlja. Najkasnije u roku od 20 dana od dana pokretanja inicijative za uspostavljanjem ministarske konferencije, Vijeće ministara Bosne i Hercegovine, entitetske vlade, Vlada Brčko Distrikta Bosne i Hercegovine i kantonale vlade dužne su usvojiti jednoobrazno uputstvo kojim se uređuje predmet djelovanja ministarske konferencije, kao i međusobni odnosi, prava i obaveze u okviru ministarske konferencije koja se uspostavlja.
- (5) Jednoobrazno uputstvo kojim se definiira uspostavljanje ministarske konferencije u pojedinim sektorskim oblastima, te uređuju pitanja iz stava (4) ovog člana izrađuje Direkcija za evropske integracije najkasnije u roku od 10 radnih dana od dana stupanja na snagu ove odluke, te uputstvo dostavlja Kolegiju za evropske integracije na prethodno odobravanje, a potom prosljeđuje Vijeću ministara Bosne i Hercegovine i vladama entiteta, kantona i Brčko Distrikta Bosne i Hercegovine iz stava (4) ovog člana na konačno usvajanje.
- (6) Predsjedavajućeg ministarske konferencije i njegova dva zamjenika biraju njeni članovi u skladu s odredbama člana 3. ove odluke na prvoj sjednici ministarske konferencije.
- (7) Sjednice ministarskih konferencija održavaju se po potrebi, u skladu s dinamikom rada tehničkih i operativnih tijela u sistemu koordinacije procesa evropskih integracija u Bosni i Hercegovini. Sjednicu ministarske konferencije, na vlastitu ili inicijativu bilo kojeg njenog člana, saziva njen predsjedavajući. U slučaju odsustva predsjedavajućeg, sjednicu mogu sazvati i sjednicom kopredsjedavati zamjenici predsjedavajućeg. Poziv za sjednicu ministarske konferencije obavezno se dostavlja svim članovima ministarske konferencije najkasnije pet radnih dana prije dana njenog održavanja.
- (8) U slučaju spriječenosti, član ministarske konferencije ovlastit će svog zastupnika koji će u punom kapacitetu učestvovati u radu ministarske konferencije.

O ovakvim situacijama, član ministarske konferencije dužan je pisanim putem upoznati predsjedavajućeg i zamjenika predsjedavajućeg ministarske konferencije najkasnije dva dana prije održavanja sjednice ministarske konferencije. Ovlašteni zastupnik člana ministarske konferencije nema pravo predsjedavanja ministarskom konferencijom.

- (9) U slučaju da ministarska konferencija ne može zauzeti stav o određenom pitanju, predsjedavajući konferencije dato pitanje prosljeđuje Kolegiju za evropske integracije da usaglasi njegovo iješenje. Upućeni zahtjev sadržava obrazloženje spornog pitanja i prijedloge mogućih modela za njegovo rješavanje razmatrane na sjednici ministarske konferencije.
- (10) Funkciju sekretara ministarske konferencije obavlja imenovano lice iz institucije predsjedavajućeg, u saradnji s Direkcijom za evropske integracije.
- (11) Sva ostala tehnička pitanja vezana za način rada ministarskih konferencija bit će regulirana jedinstvenim poslovnikom o radu koji, uz prethodno odobrenje Kolegija za evropske integracije, usvaja svaka pojedinačna ministarska konferencija na svojoj konstituirajućoj sjednici. Direkcija za evropske integracije dužna je nacrt jedinstvenog poslovnika o radu ministarskih konferencija dostaviti Kolegiju za evropske integracije najkasnije u roku od 30 dana od dana stupanja na snagu ove odluke.

POGLAVLJE IV. KOMISIJA ZA EVROPSKE INTEGRACIJE

Član 6.

(Komisija za evropske integracije)

- (1) Komisija za evropske integracije (u daljnjem tekstu: Komisija) je tijelo zaduženo za opću, tehničku, operativnu i metodološku koordinaciju s ciljem osiguranja što višeg stepena sveobuhvatnosti u radu nadležnih institucija na svim nivoima vlasti u Bosni i Hercegovini u oblasti evropskih integracija.
- (2) U ostvarivanju svog djelokruga Komisija posebno:
 - a) prati ispunjavanje obaveza iz Sporazuma o stabilizaciji i pridruživanju, kao i drugih obaveza iz procesa evropskih integracija;
 - b) saraduje s članovima Stalne delegacije Bosne i Hercegovine u okviru Odbora za stabilizaciju i pridruživanje u kontekstu njihove pripreme i učesća članova Stalne delegacije na sastancima Odbora, te osiguranja jedinstvenih stavova koje su članovi Stalne delegacije Bosne i Hercegovine na sastancima Odbora obavezni zastupati;
 - c) na općem nivou, koordinira i usmjerava rad radnih grupa za evropske integracije;
 - d) raspravlja o svim otvorenim pitanjima i utvrđuje smjernice rada u procesu evropskih integracija na operativno-tehničkom i metodološkom nivou;
 - e) blisko saraduje s ministarskim konferencijama u vezi sa svim otvorenim pitanjima u procesu evropskih integracija.

Član 7.

(Sastav Komisije)

- (1) Stalni članovi Komisije su:
 - a) direktor Direkcije za evropske integracije;
 - b) po jedan predstavnik vlada entiteta koji je u ime vlade entiteta zadužen za poslove koordinacije procesa evropskih integracija;
 - c) po jedan predstavnik vladâ kantona, koji je u ime vladâ kantona zadužen za poslove koordinacije procesa evropskih integracija;

- d) jedan predstavnik Vlade Brčko Distrikta Bosne i Hercegovine koji je u ime Vlade Brčko Distrikta Bosne i Hercegovine zadužen za poslove koordinacije procesa evropskih integracija;
 - e) imenovano lice u ime Direkcije za evropske integracije, u svojstvu sekretara Komisije.
- (2) Dopunski članovi Komisije su:
 - a) predsjedavajući radnih grupa za evropske integracije;
 - b) po jedno imenovano lice u ime institucija s nivoa Bosne i Hercegovine, entiteta, kantona i Brčko Distrikta Bosne i Hercegovine zaduženih za davanje mišljenja, odnosno ocjenu usklađenosti akata s pravnom tečevinom Evropske unije;
 - c) po jedan član Koordinacionog odbora IPA-e s nivoa Bosne i Hercegovine, entiteta, kantona i Distrikta Brčko Bosne i Hercegovine;
 - d) predstavnici drugih institucija sa svih nivoa vlasti u Bosni i Hercegovini, u skladu s pitanjima koja su predmet razmatranja Komisije;
 - e) predstavnici nevladinog sektora i akademske zajednice, u skladu s pitanjima koja su predmet razmatranja Komisije.
 - (3) Dopunski članovi u radu Komisije učestvuju po pozivu predsjedavajućeg, a na osnovu prethodno osigurane saglasnosti svih njenih stalnih članova.
 - (4) Svi nadležni nivoi vlasti u Bosni i Hercegovini će najkasnije u roku od 10 dana od dana stupanja na snagu ove odluke Direkciji za evropske integracije dostaviti imenovanja svojih predstavnika u Komisiji.
 - (5) Vijeće ministara Bosne i Hercegovine donosi odluku o uspostavljanju Komisije za evropske integracije, na prijedlog Direkcije za evropske integracije, a nakon dostavljanja imenovanja predstavnika svih nivoa vlasti u Bosni i Hercegovini u skladu sa stavom (4) ovog člana, najkasnije u roku od 20 dana od dana stupanja na snagu ove odluke.
 - (6) Stručnu i tehničku podršku radu Komisije pruža Direkcija za evropske integracije.

Član 8.

(Način rada Komisije)

- (1) Sastanke Komisije saziva predsjedavajući, na vlastitu ili inicijativu bilo kojeg njenog stalnog člana.
- (2) Komisija se sastaje po potrebi, a najmanje jednom u dva mjeseca.
- (3) Funkciju predsjedavajućeg Komisije obavlja direktor Direkcije za evropske integracije, a funkciju njegovih zamjenika predstavnici vladâ entiteta koji su zaduženi za poslove koordinacije procesa evropskih integracija. U slučaju spriječenosti predsjedavajućeg, sjednicom Komisije predsjedavaju njegovi zamjenici. Poziv za sjednice se obavezno dostavlja svim stalnim članovima Komisije najkasnije pet radnih dana prije dana održavanja sjednice Komisije.
- (4) Funkciju sekretara obavlja imenovano lice iz Direkcije za evropske integracije.
- (5) U slučaju spriječenosti, stalni član Komisije može imenovati zamjenika koji će, u punom kapacitetu, izuzev prava predsjedavanja, učestvovati na sastanku Komisije. Stalni član je o tome dužan pisanim putem obavijestiti predsjedavajućeg i zamjenike predsjedavajućeg Komisije najkasnije dva dana prije dana održavanja njenog sastanka.
- (6) Komisija usvaja poslovnik o radu kojim se reguliraju sva tehnička pitanja vezana za njen rad. Direkcija za evropske integracije dostavlja Komisiji nacrt njenog poslovnika o radu najkasnije 30 dana od dana stupanja na snagu ove odluke.

POGLAVLJE V. RADNE GRUPE ZA EVROPSKE INTEGRACIJE

Član 9.

(Radne grupe za evropske integracije)

- (1) Radne grupe za evropske integracije (u daljnjem tekstu: radne grupe) predstavljaju operativna tijela u sistemu koordinacije koja djeluju u skladu sa smjericama koje definira Komisija.
- (2) Radne grupe uspostavljaju se u skladu s pravnom tečevinom Evropske unije, te u skladu s tematskim poglavljima i članovima Sporazuma o stabilizaciji i pridruživanju.
- (3) Radne grupe čine predstavnici nadležnih institucija sa svih nivoa vlasti u Bosni i Hercegovini, u skladu s njihovim ustavnim nadležnostima za oblasti za koje se radne grupe uspostavljaju.
- (4) Inicijalnu identifikaciju nadležnih institucija sa svih nivoa vlasti u Bosni i Hercegovini čiji će predstavnici učestvovati u radu radnih grupa sačinjava Komisija za evropske integracije, te istu prosljeđuje nadležnim nivoima vlasti u Bosni i Hercegovini s ciljem potvrđivanja te identifikacije.
- (5) Imenovanje svojih članova radnih grupa obavljaju identificirane nadležne institucije na svim nivoima vlasti u Bosni i Hercegovini, te njihova imenovanja prosljeđuju Komisiji na konačno objedinjavanje liste imenovanih predstavnika u radnim grupama.
- (6) Nakon zaprimljenih imenovanja iz stava (5) ovog člana, Direkcija za evropske integracije dostavlja prijedlog Vijeću ministara Bosne i Hercegovine koje donosi odluku o uspostavljanju radnih grupa najkasnije u roku 40 dana od dana stupanja na snagu ove odluke.
- (7) U zavisnosti od potreba rada radne grupe, predsjedavajući radne grupe, uz saglasnost njegovih zamjenika, može pozvati predstavnike drugih institucija sa svih nivoa vlasti u Bosni i Hercegovini, nevladinih organizacija, naučne i stručne radnike i sve druge koje nisu članovi radne grupe da učestvuju u njenom radu.
- (8) Radne grupe zadužene su za:
 - a) tehničku finalizaciju pisanog materijala koji institucije u Bosni i Hercegovini izrađuju za potrebe informiranja Evropske komisije i drugih institucija Evropske unije, te tehničku finalizaciju drugih materijala koji proizilaze iz obaveza prema Sporazumu o stabilizaciji i pridruživanju i u procesu evropskih integracija;
 - b) participaciju u procesu programiranja sredstava pomoći Evropske unije, primarno u kontekstu identifikacije potreba za osiguranjem finansijske i tehničke podrške Evropske unije institucijama u Bosni i Hercegovini u realizaciji njihovih obaveza u okviru evropskog integracionog procesa;
 - c) utvrđivanje potrebe za prevođenjem pravne tečevine Evropske unije, u saradnji sa institucijama na svim nivoima vlasti koje se bave prevođenjem u oblasti evropskih integracija;
 - d) utvrđivanje potrebe za organiziranjem obuka i edukacija u pojedinačnim oblastima ili pitanjima pravne tečevine Evropske unije, u saradnji sa institucijama na svim nivoima vlasti zaduženim za poslove organizacije i koordinacije procesa obuka i edukacija;
 - e) razmjenu pozitivnih iskustava i dobre prakse između resorno nadležnih institucija na svim nivoima vlasti s ciljem efikasne realizacije obaveza iz procesa evropskih integracija;

- f) u okviru pretpripravnih pregovora, radne grupe, uz njihovo kadrovsko jačanje, obavljat će funkciju pregovaračkih timova u ime Bosne i Hercegovine po pojedinačnim oblastima pravne tečevine Evropske unije;
- g) radne grupe svojim djelovanjem ni na koji način ne mogu nadomjestiti nadležne institucije sa svih nivoa vlasti u ispunjavanju obaveza Bosne i Hercegovine u procesu evropskih integracija.

Član 10.

(Organizacija i način rada radnih grupa)

- (1) Listu kandidata predsjedavajućih radnih grupa, na nivou pomoćnika ministra ili rukovodioca, odnosno zamjenika rukovodioca institucije, kao i njegova dva zamjenika, sačinjava Komisija za evropske integracije vodeći računa o ustavnim nadležnostima pojedinih institucija sa svih nivoa vlasti u oblastima i pitanjima kojima se pojedine radne grupe bave, te vidljivosti i odgovornosti svih nivoa vlasti u procesu evropskih integracija. Direkcija za evropske integracije listu koju potvrdi Komisija za evropske integracije dostavlja Vijeću ministara Bosne i Hercegovine, u formi prijedloga, na usvajanje. Rok za imenovanje predsjedavajućih i zamjenika predsjedavajućih radnih grupa je 40 dana od dana stupanja na snagu ove odluke.
- (2) Sastanke radnih grupa, na vlastitu ili inicijativu bilo koja njena tri člana, saziva predsjedavajući. U slučaju spriječenosti predsjedavajućeg, sastanak radne grupe sazivaju i njime predsjedavaju njegovi zamjenici. Poziv za sastanak obavezno se dostavlja svim članovima radne grupe najkasnije pet radnih dana prije dana njegovog održavanja.
- (3) Funkciju sekretara radnih grupa obavlja imenovano lice iz institucije predsjedavajućeg, u saradnji s Direkcijom za evropske integracije.
- (4) U slučaju da radna grupa ne može postići konsenzus o određenom pitanju, predsjedavajući radne grupe ili njegovi zamjenici upućuju Komisiji zahtjev da usaglasi rješenje spornog pitanja. Upućeni zahtjev sadržava obrazloženje spora i prijedloge mogućih modela za njegovo rješavanje koji su razmatrani na sastanku radne grupe.
- (5) Komisija usvaja jedinstveni poslovnik o radu kojim se reguliraju sva tehnička pitanja vezana za rad radnih grupa. Direkcija za evropske integracije dostavlja Komisiji nacrt jedinstvenog poslovnika o radu najkasnije 40 dana od dana stupanja na snagu ove odluke.

POGLAVLJE VI. STALNE DELEGACIJE BOSNE I HERCEGOVINE U OKVIRU ZAJEDNIČKIH TIJELA BOSNE I HERCEGOVINE I EVROPSKE UNIJE ZA NADGLEDANJE PRIMJENE SPORAZUMA O STABILIZACIJI I PRIDRUŽIVANJU

Član 11.

(Stalne delegacije Bosne i Hercegovine)

- (1) U skladu s rješenjima iz Sporazuma o stabilizaciji i pridruživanju, u okviru zajedničkih tijela između Bosne i Hercegovine i Evropske unije djeluju:
 - a) Stalna delegacija Bosne i Hercegovine u okviru Vijeća za stabilizaciju i pridruživanje;
 - b) Stalna delegacija Bosne i Hercegovine u okviru Odbora za stabilizaciju i pridruživanje;
 - c) stalne delegacije Bosne i Hercegovine u okviru pododbora za stabilizaciju i pridruživanje;
 - d) stalne delegacije Bosne i Hercegovine u okviru drugih zajedničkih tijela između Bosne i Hercegovine i Evropske unije koja se uspostavljaju u skladu sa Sporazumom o stabilizaciji i pridruživanju;

- (2) Članove stalnih delegacija Bosne i Hercegovine u zajedničkim tijelima Bosne i Hercegovine i Evropske unije iz stava (1) ovog člana utvrđuje Vijeće ministara Bosne i Hercegovine posebnom odlukom najkasnije u roku od 40 dana od dana stupanja na snagu ove odluke, u skladu s odredbama Sporazuma o stabilizaciji i pridruživanju, te vodeći računa o ustavnim nadležnostima pojedinih nivoa vlasti u Bosni i Hercegovini u oblastima koje su predmet razmatranja zajedničkih tijela, kao i o potrebi osiguranja odgovarajuće funkcionalne povezanosti između tijela unutrašnjeg sistema koordinacije procesa evropskih integracija u Bosni i Hercegovini, s jedne, te djelovanja i zastupanja usaglašenog, "jednog glasa" u ime Bosne i Hercegovine u okviru zajedničkih tijela Bosne i Hercegovine i Evropske unije, s druge strane.
- (3) U skladu s rješenjima stava (2) ovog člana:
- Članovi Stalne delegacije Bosne i Hercegovine u okviru Vijeća za stabilizaciju i pridruživanje su imenovani članovi Vijeća ministara Bosne i Hercegovine;
 - Članovi Stalne delegacije Bosne i Hercegovine u okviru Odbora za stabilizaciju i pridruživanje su stalni članovi Komisije navedeni u članu 7. stav (1) ove odluke, predsjedavajući i zamjenici predsjedavajućeg u stalnim delegacijama u ime Bosne i Hercegovine u tijelima navedenim u stavu (1) tač. c) i d) ovog člana, te druga imenovana lica koja utvrđuje Vijeće ministara Bosne i Hercegovine posebnom odlukom. Predsjedavajući delegacije u ime Bosne i Hercegovine u Odboru za stabilizaciju i pridruživanje bit će utvrđen u skladu sa stavom (2) ovog člana, a na osnovu usaglašenog prijedloga članova Odbora.
 - Članovi stalnih delegacija Bosne i Hercegovine u okviru pododбора za stabilizaciju i pridruživanje i drugih tijela koja se uspostavljaju u skladu sa Sporazumom o stabilizaciji i pridruživanju su predsjedavajući i zamjenici predsjedavajućih radnih grupa koje se bave pitanjima obuhvaćenim radom sektorski koncipiranih pododбора, odnosno drugih tijela uspostavljenih na osnovu Sporazuma o stabilizaciji i pridruživanju.
- (4) Sva tehnička pitanja vezana za način rada predstavnika Bosne i Hercegovine u zajedničkim tijelima Bosne i Hercegovine i Evropske unije iz člana 11. stav (1) ove odluke regulirana su zajedničkim poslovnica o radu zajedničkih tijela između Bosne i Hercegovine i Evropske unije.
- (5) Članovi stalnih delegacija Bosne i Hercegovine u zajedničkim tijelima Bosne i Hercegovine i Evropske unije iz člana 11. stav (1) ove odluke dužni su na sastancima zajedničkih tijela zastupati i prezentirati isključivo stavove i pozicije definirane u okviru tijela sistema koordinacije procesa evropskih integracija u Bosni i Hercegovini.

POGLAVLJE VII. OSTVARIVANJE KOMUNIKACIJE U OBLASTI EVROPSKIH INTEGRACIJA

Član 12.

(Komunikacija sa institucijama Evropske unije)

- (1) Direkcija za evropske integracije djeluje kao stručno i tehničko - operativno tijelo koje ostvaruje komunikaciju s Evropskom komisijom i Delegacijom Evropske unije u Bosni i Hercegovini za potrebe procesa evropskih integracija. U realizaciji ove komunikacije Direkcija za

evropske integracije blisko saraduje i blagovremeno informira koordinirajuće institucije na nivou entiteta, kantona i Brčko Distrikta Bosne i Hercegovine.

- (2) U komunikaciji s Evropskom komisijom i drugim institucijama Evropske unije, te Delegacijom Evropske unije u Bosni i Hercegovini, isključivo sadržaj koji je prethodno usaglašen u okviru sistema koordinacije procesa evropskih integracija u Bosni i Hercegovini može biti predstavljen kao jedinstven stav u ime Bosne i Hercegovine.

Član 13.

(Komunikacija između institucija Bosne i Hercegovine, entiteta, kantona i Brčko Distrikta Bosne i Hercegovine u procesu evropskih integracija)

- (1) Komunikacija između institucija Bosne i Hercegovine, entiteta, kantona i Brčko Distrikta Bosne i Hercegovine u oblasti evropskih integracija ostvarivat će se isključivo na način definiran ovom odlukom, uz potpuno uvažavanje principa i rješenja koja su u njoj sadržana.
- (2) Predstavnici institucija Bosne i Hercegovine, entiteta, kantona i Brčko Distrikta Bosne i Hercegovine u tijelima sistema koordinacije u oblasti evropskih integracija u Bosni i Hercegovini, te, posebno, koordinirajuće institucije u oblasti evropskih integracija na nivou Bosne i Hercegovine, entiteta, kantona i Brčko Distrikta Bosne i Hercegovine, obavezni su da ostvaruju intenzivnu i transparentom komunikaciju i saradnju s ciljem olakšavanja blagovremenog i efikasnog ispunjavanja obaveza Bosne i Hercegovine u procesu pridruživanja, odnosno pristupanja Evropskoj uniji.
- (3) Komunikacija između institucija Bosne i Hercegovine, entiteta, kantona i Brčko Distrikta Bosne i Hercegovine provodit će se u skladu s rješenjima iz ove odluke, te uvažavajući modalitete i principe horizontalne koordinacije u okviru svakog nivoa vlasti u Bosni i Hercegovini, a koji, u skladu s članom 2. stav (3) ove odluke, nisu predmet njenog reguliranja.

POGLAVLJE VIII. PRIJELAZNE I ZAVRŠNE ODREDBE

Član 14.

(Stavljanje propisa van snage)

Stupanjem na snagu ove odluke stavlja se van snage Odluka o sistemu koordinacije procesa evropskih integracija u Bosni i Hercegovini ("Službeni glasnik BiH", broj 8/16)

Član 15.

(Stupanje na snagu)

Ova odluka stupa na snagu danom donošenja i objavljuje se u "Službenom glasniku BiH".

VM broj 197/16
23. augusta 2016. godine
Sarajevo

Predsjedavajući
Vijeća ministara BiH
Dr. **Denis Zvizdić**, s. r.

Na temelju članka 17., a u svezi s člankom 23. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08) i člankom 18. Zakona o ministarstvima i drugim tijelima uprave Bosne i Hercegovine ("Službeni glasnik BiH", br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13 i 19/16), Vijeće ministara Bosne i Hercegovine, na 69. sjednici održanoj 23.8.2016. godine, donijelo je